

QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 9. Februarij.

M. PETRO OZON

DOCTORE MEDICO, PRÆSIDE.

An proceritas corporis brevitare præstantior?

I.

CADUCA rerum omnium natura, concordi quatuor primorum corporum discordiâ, interjecto etiam, quas ex se mittunt virium fœdere, mirâ stabilitur arte. Surgit inde mixtorum tam diversa agendi ratio, quin etiam motûs & incrementi capiendi potestas; quâ quidem varietate singulorum in se invicem factâ mutatione continuâ, vertitur sublunarium decus & ornamentum; ex eorum mixtione & concursu perstat mundi collectio: ad quam multa quæ extra conflatum corpus frontibus adversis repugnabant, conjurant amicissimè; pauca si abscesserint, tota corrui mixti compages? Quidni licet ex eâdem Peripateticorum quadrigâ, duo vitæ & conformationis principia erueret, semen & sanguinem maternum, ex quibus uberiore spiritu, & palmario calore locupletatis, fœtus nascitur amplior, beatiorem vitæ cursum completurus; ad elegantem hanc celsitatem promoveri singulis hæret naturale desiderium, ad eam pervenire omnibus non datur. Mineralia in imis terræ visceribus ablegata saltem improprie crescunt, idque cæco quodam impetu, donec liquor ulterioris congelationis impotens, alios petat recessus, atque calor sub duro metalli cortice hebes factus, & motûs expers eo velut compede detineatur. Hæc autem pro apte variato substratæ materiæ apparatu, sibi adhærent, & in limum mollemque massam primùm coeunt, quæ præviâ multiplici mutatione, in succos tandem concretos abeat, terras, lapides, aut metalla parituros, vel si ad superficiem terræ pertingant, stirpibus alimentum, & crescendi potentiam suppeditaturos.

ΠΑΝΤΟΚΡΑΤΗΣ cœlo subiecta quævis calor agitat; cuius nutu crescunt mineralia, vegetant plantæ, moventur & sentiunt animalia; hic sparsa colligit, confusa certo disponit ordine, totumque per orbem diffusus illam compellit molem. In mineralibus obscurior, lucidior in vegetantibus, in animantibus nobilior; ejus cum animâ vegetante communicatio, non malè statuitur generatio, ut ejusdem in humidò permanens vita. Terra plantarum semina, arborumque radices, vel prægrandium, sinu suo fovet & complectitur; cuius, dum pubescunt, superficies sic laxatur, ut stirpes, vel in celsum aërem subvehat, folia, flores, fructus, cum se dabit tempus, edituras: quæ quidem eidem calori debentur, ex quo tanquam ex fonte derivata sunt; non secus ac illi ipsi vegetantium officia quæque ferenda sunt accepta; inde succi radicibus appensi sustinatio, hujus ad longinquiores ramos appulsus, facturus germina, gratam viriditatem, proceritatem, spectandamque ad extremum usque senium faciei permutationem; hinc certè calore solis accedente vigent omnia, nam afflante dulci veris tepore, præta ridet, plantæ & arbores suavem spirant odorem, campi metendis fructibus feraces luxuriant; cum frigoris inclementiâ cuncta langueant, calore telluris specu obsignato hebescent, & fronde, fructu, flore nudata velut emortua rigent; ita quidem ex variâ tempestatum mutatione diversi caloris gradus, ex quorum modo & diversa saporum genera, genitalem succum, & accretionem intelligimus: sic primam fructuum eruptionem ob frigus terrenæ siccitati conjunctum, acerbitas arguit, aciditas vernum teporem, & jucunda suavitas æstivum calorem, velut sui parentem agnoscit.

III.

ANIMALIA plantarum ferè modo in lucem prodeunt, nutriuntur, & augescunt. Hæ succo ad intimos lares transvecto aluntur, semina, fructus, & folia postmodum daturo; illa è semine primum pertexta, mox è sanguinis circumfluentis mole, quod sibi magis accommodatum trahunt, eodem triplicis substantiæ perpetuò decedentis effluvium instauratura; ut humoris cum igne ad nutritionem conveniens esse debet exacta permixtio, sic ejusdem exundantis lenta sequacitas, calidique innati non levis *ὑπερβολή* requiritur. Nimius humor vim caloris obtundit, parciore vel non satis *ὑπερκαύματα* suppeditat, vel citò absumitur, fæcis sorde inquinatus obscurat, purus collustrat, aqueus extinguit, pinguis & aëreus pulchrè fovet, tuetur ac sustinet; hinc animalium ea quæ dulcibus & humidis vescuntur alimentis, palustres humidasque plagas incolunt, cæteris antecelant magnitudine, quæ degunt in arentibus locis, cibo utuntur sicco & adurenti, humiliora perstant; plantæ & arbores aquarum, rivorumque humore copioso circumseptæ sublimiores assurgunt, in arenâ malignè proveniunt; in mari majores belluas, quàm in terris cernere est; non quilibet sed firmus, tenax & viscidus humor suppetit ad magnitudinem corporum promovendam, illorumque vitam diu sine declivio prorogat; argumentum sint ilex, cupressus, & palma, tenuis & multus eluens potius quàm vel au-

3

gens & nutriendus, ut in ceraso & malo persicâ, corpora celeri ornat incremento, sed brevi dissolvendo, dum calorem hebetat, potius quàm fovet, ejusque alacritatem, dejicit magis quàm facit, unde quæ citam habent ad incrementum facilitatem, promptam nascita sunt ad interitum.

I V.

VITA præter truncum inertem tenaci aqueo humore continuum, concinnam nativi caloris cum humore primigenio perfusionem ex- postulat, quæ actus animæ bellè dicitur, cum anima sit actus primus corporis physici potentiâ viventis; subiecto, cui vita insidet animam inesse res aperta. Triplex viventium genus, totidem animarum declarat; ex vegetante ad sentientem; ex hac ad rationalem fit progressio. Postrema hæc aliis præpoller, earumque virtutes absolutè complectitur, ut una unius humani corporis *ὡν οὐκ ἐστὶν*, triplici Facultatum satellitio regat & sustineat. Vegetanti Facultatum magis communi, non digniori; tres aliæ principes famulantur, procreatrix, alitrix & auctrix. Prima quæ commutatio est ad formam, materiem prolificam in sinu materno exceptam præparat, coquit, & tandem à partu otiosa feriat; Parentis utriusque semen efficiens principium agnoscit; quod si fuerit uberius calore spirituque multo perfusum, eique si excipiendo satis ampla uteri accedat capacitas, proles nascatur amplior necesse est, quæ non modo laudabili similitudinis partium temperie, sed & organicatum structurâ edendis functionibus accommodatori prædita sit, alitrix perpetua viventis comes, motio tantum est ad materiam, corporum præmaturum marcorem cohibens; auctrix motus est ad magnitudinem; illam animantia quævis, ut summum vitæ bonum appetunt, quo acquisito quiescunt, ad eam confert maximè semen, non à solis testibus sed à corpore deciduum, quod extendit ad opus quodlibet se- quax in quantum potest, cessatque solum non ampliùs ductili materiâ: Solus partes solidas in totam dimensionem evehit, nam quæ crescunt additione, rarefactione, repletionem, non censentur adaugeri.

V.

ACCRETIO est extensio materiæ in omnes simul dimensiones à calido humido, cujus aliquandò præfixos à naturâ limites properat sistere, vel prava victus ratio, vel soli aut etiam conformatricis vitio contracta siccitas. A diversâ caloris cum humoribus temperie varius est augescendi modus. Hic summè potens animæ nauclerus omnia peragit in corpore; quibus fas est ad altiores staturæ metas currere, plurimus blandusque affliget, alimenta perbellè coquit faciliùs assimilari & excrementa propelli sinit, qui dulcis & halituosus mirè luxuriat in infantibus, acris scintillat in juvenibus, in senescentibus mole exiguus, viribus torpens marcescit & extinguitur, in vivente præ aliis facilè princeps eminet, nam temperiem in corpore æquâ lance libratam frustra quis requirar. Non flammeus neque ustulanti prunæ similis sit, primam cælo refert acceptam originem, non aliâ tamen quàm elementari sorte gaudet, ei comes assitit spiritus, uterque levis cum sit subiecto tenaci coercendæ fugacitatis, atque etiam

4

præpingui sustinendæ voracitatis causâ , tam arctè connexus insidet , ut re ipsâ unum sit ex tribus concretum , τὸ ὅλον ἀρχήναι dictum , quod semel attritum rigare fas erit ; frustra sarcire tentabitur. Hoc certè undique circumfluunt proceritate corporis gestientes , in quibus pro majori corporis mole , virium moles longè sit luculentior , & formæ præstantia major ; inde humiliores ut semiviros & præcoces naturæ partus despiciunt , utque diuturniori perennant vitâ , sic sæliciori beantur : viscera habent ampliora , calidiora , humidiora , necnon humoribus excrementitiis congerendis minùs obnoxia , liberiozem spirituum undequaque commeatum , fuliginum exitum faciliorem , aëris accessionem , & celeriozem & uberiozem , quam vero mirmidonum pumilam gentem brevius miseriusque fatum graviori pulsât pede , & multis plerumque conficit incommodis ; in quibus calor immitis humidi benignitate destitutus , nec amplum divagari , nec sat diffusi consuetus , humores corpusque urit acriter. Optas prolem eximiâ summâque dotum suppellectile instructam , formosâ & eleganti staturâ decoratum juvenem effinge , uxorem si libuerit ejusdem proceritatis selige. Si facias , tibi erunt immenso corpore nati.

Ergo proceritas corporis brevitate præstantior.

DOMINI DOCTORES DISPUTATURI.

*M. Guido Crescentius Fagon, ordinarius M. Nicolaus Robin.
Familia Regniæ Medicus.*

M. Joannes-Baptista Moreau, Facultatis Decanus, Ch. Professor Regius.

M. Jacobus de Bourger,

M. Franciscus Sorand.

M. EVSEIUS RENAUDOT, primarius Secretissimæ Delphini Medic.

M. Petrus Leger,

*M. Jacobus le Menestrel, M. Isaac Renaudot.
Chirurgia Professor.*

Proponebat Lutetiæ RENATUS LE CONTE,
Andinus. A. R. S. H. MDCLXXIII.

P A R I S I I S,
Ex Typographiâ FRANCISCI MUGUET, Regis &
Illustrissimi Archiepiscopi Typographi, viâ Citharæ.